



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

Elogia.

urn:nbn:de:hbz:466:1-14622

ELOGIA.

*Regino libro II. Chronicorum, ad
annum DCCCXCII.*

PER idem tempus Farabertus Abbas Prumiensis cœnobij curam pastorem sua sponte per concessum Regis deposuit; & ego, quamvis indignus, secundum regularem auctoritatem per electionem fratrum in regimine successi; in quo tamen non diutiùs immoratus, æmulis agentibus, Richarium fratrem Gerhardi & Matfridi invidiosum mei negotij successorem sustinui.

Ad annum DCCCXCIX.

Eodem anno Richarius Abbas Prumiensis constituitur. Qualiter autem erga me actum sit idcirco in hoc loco notare distuli, ne fortè injuriis provocatus ultrà quam Christiana patientia permittit, persecutionis meæ causas exaggerasse viderer.

Sigebertus in libro de scriptoribus ecclesiasticis.

Regino Abbas Prumiensis scripsit ad

ELOGIA.

primum Alberonem Metensem Episcopum Chronicam continentem præcipuè gesta Francorum, quam à nativitate Christi perduxit usque ad annum nati Christi DCCCC. octavum.

*Ioannes Trithemius in Chronico Hirsaugiensi,
ad annum DCCCXCII.*

Farabertus Abbas Prumiensis, annuente Rege Francorum, abbatiam suam sponte resignavit. Cui Regino monachus ejusdem cœnobij successit, vir vita & eruditione celeberrimus; qui, inter cetera ingenij sui opuscula, transacti temporis Chronicon scripsit ad Adelberonem Treverensem Archiepiscopum, incipiens ab origine mundi usque ad tempora sua, opus profectò celeberrimum & lectione doctorum virorum dignissimum.

Ad annum DCCCXCIX.

Regino Prumiensis Abbas, quemadmodum in sua chronica scribit, depositus est. Causas autem depositionis non expressit. Sed ita dicit: *Anno Domini 889. Richarius Abbas &c.* Ex quibus verbis conijcere possumus eum cum injuriis abbatia depositum, quamquam causas ignoremus.

Idem

ELOGIA.

Idem in libro de scriptoribus ecclesiasticis.

Regino Abbas Prumiensis cœnobij in
diœcesi Treverensi, ordinis sancti Bene-
dicti, natione Teutonicus, vir in divinis
scripturis eruditissimus, & in secularibus
literis nobiliter doctus, inter doctores
Germaniæ suo tempore facilè obtinuit
principatum. Scripsit magnæ auctoritatis
opuscula; de quibus ego tantùm reperi
subjecta. Ad Alberonem primum Epif-
copum Metensem à nativitate Christi us-
que ad annum ejusdem 908. continen-
tem præcipuè gesta Francorum & Ger-
manorum scripsit Historiam seu Chroni-
cam libro 10. De disciplina ecclesiastica
lib. 2. *In primis inquirendum.* De ceteris
nihil adhuc vidi. Scripsit autem præfatum
opus, quod prænotatur de ecclesiastica
disciplina & religione Christiana, juben-
te Rathbodo Archiepiscopo Trevero-
rum, quod ex decretis sanctorum patrum
& generalium Conciliorum in duobus li-
bris comportavit, & in nongenta ferme
capitula per rubricas ex more luculenter
distingxit.

Claruit sub Arnolde Imperatore anno
Domini 910.

ELOGIA.

Idem in catalogo illustrium virorum Germaniæ.

Regino Abbas monasterij Prumiensis ordinis divi patris Benedicti in diocesi Treverorum, vir in divinis scripturis eruditissimus, & in secularibus literis egregiè doctus, ingenio subtilis, eloquio clarus, vita & conversatione devotus, facilè inter doctores sui temporis obtinuit principatum. Scripsit ad Adelberonem Metensem Episcopum historiam de gestis Francorum & Theutonicorum à nativitate Christi usque ad sua tempora lib. 10. Jubente Rathbodo Archiepiscopo Treverorum comportavit ex decretis & sententiis patrum & generalium Conciliorum opus canonum insigne, quod prænotavit de ecclesiastica disciplina & religione Christiana, in duobus voluminibus lib. 2. Sermones quoque & multos & elegantes composuit lib. 1. Epistolas quoque ad diversos lib. 1. & alia complura quæ ad notitiam nostræ lectionis adhuc minimè venerunt. Claruit temporibus Arnoldi Imperatoris anno Domini DCCCCX.

Bellarminus in libro de scriptoribus ecclesiasticis.

Regino Abbas Prumiensis ad initium

ELOGIA.

anni nongentesimi floruisse videtur. Scripsit enim libros duos Chronicorum ab adventu Domini usque ad annum ejusdem Domini nongentesimum octavum, ut ipse testatur initio sui operis. Sed continuavit aliquis alius anonymus usque ad annum 967. Dicitur etiam scripsisse de disciplina Christiana libros duos, quos extare non puto.

Gerardus Ioannes Vossius in libro secundo de Historicis Latinis.

Ejusdem Ludovici ætate, item Conrado Imp. (qui Ludovico successit anno DCCCCXII. ac septennium imperavit) claruit Rhegino Abbas Prumiensis cœnobij in diœcesi Trevirensi. Contexuit duos Chronicorum libros, quibus præcipuè tractat res Francorum. Manuscriptos habemus Cantabrigiæ in bibliotheca tum Academiæ tum Collegij S. Benedicti, ut est apud Th. James. Sed ibi non Rhegino, verùm ἀπλω̄ς Abbas Prumiensis vocatur. De eo sic Sigebertus in cat. cap. CXII. *Rhegino Abbas Prum. &c. usque ad annum nati Christi DCCCCVIII.* Ubi malim annum unum adimi. Etsi & apud Tritthemium legas 98. pro 908. Sane ante annum DCCCCVII. hodièque

ELOGIA.

apud Reginonem reperias hæc verba: *Huc usque Regino*. Sed continuavit hæc Chronica alius usque ad annum DCCCCLXVII. vel potius usque ad Othonem II. qui imperare cœpit anno DCCCCLXXII. Composuit & de doctrina ecclesiastica libros ex sanctorum patrum & Conciliorum generalium decretis. Hi manuscripti adferuntur Viennæ in bibliotheca Cæsarea. Error Tritthemij inde obortus, quod apud Reginonem in præfatione operis legatur: *Ea (Chronica) in duos libellos distinxit, exordium capiens à primo incarnationis dominice anno, & consummans cœptum opus usque in presentem annum, qui computatur à * præfatione Domini DCCCCVIII.* Sed, librarij culpa, anno auctiorem esse numerum quàm convenit satis liquet ex eo quod dicebamus. Ita enim uti retulimus & in manuscriptis invenitur & in excusis tum veteribus tum nuperis. Appendix verò ea Reginonis, quam dixi, Romerium habere auctorem videtur.

* *Legendum* præfata incarnatione.



ELOGIA.

*Ioannes Morinus in appendice libri
de pœnitentia pag. 39.*

Sapissime Reginonis collectionem allegamus quam penes nos habemus. Canonum collectio est in duos libros distincta. Facile colligi potest ex caractere ante annum millesimum scriptam esse, vix postea. Reginoni Abbati eam damus, quia hoc fert collectionis initium majusculis litteris exaratum, quod est ejusmodi: *Incipit libellus de disciplinis recollectus ex jussu Rathbodi Treverica à Reginone Abbate monasterij ex divinis Conciliis & Decretis.* Istius collectionis mentionem facit Trithemius de scriptoribus ecclesiasticis in Reginone. *Scrispsit, inquit, historiam seu Chronicam libris 10. De disciplina ecclesiast. lib. 2. &c. Scrispsit autem præfatum opus, quod prænotatur de ecclesiastica disciplina & religione Christiana, jubente Rathbodo Archiepiscopo Trevirorum, quod ex decretis sanctorum patrum & generalium Conciliorum in duobus libris comportavit, & in nongenta ferme capitula per rubricas ex more luculenter distinxit.* Ita noster codex est distinctus. Primus liber continet capitula 454. secundus paulò plura, eò quòd nonnulla post Reginonis mortem addita sunt,

ELOGIA.

velut Decretum in Conofurth anno 952. indictione 9. à Rege Ottone, regni illius 15. consentientibus Episcopis, Comitibus, aliisque fidelibus latum, ut raptores virginum & viduarum anathematizarentur & omni conjugij spe in futurum frustrarentur. Sunt & quædam alia quorum causa capitulorum numerus à Trithemio notatus aliquantulum exceditur. Hinc apparet Ottone primo regnante scriptum esse istud collectionis exemplar. Composita fuit & in lucem edita anno 906. Id colligitur ex fine libri primi, capite scilicet 447. & sequentibus, in quibus refertur ex Concilio Nicæno formula integra condendarum epistolarum formatarum. Deinde formulæ duo exemplaria traduntur. Unum Rathbodi Treverensis Archiepiscopi scribentis Roberto Metensi Episcopo & illi commendantis Gislemarum Presbyterum à se ordinatum. Data enim est Idibus Octobris anno incarnationis 906. Alterum est Dadonis Virdunensis Episcopi ad Rathbodum Trevirensis eodem anno datum. Eodem tempore florebat Regino. Anno enim, ut ipse testatur in Chronico suo, 892. electus est Abbas Prumiensis, licet incassum, multis contradicentibus. Chronicon autem fini-

ELOGIA.

vit anno 906. quo formatarum istarum exemplaria ponit. Vidit hanc collectionem Ivo Carnutensis Episcopus, eaque usus est in Decreto suo. Duo enim illa exemplaria literarum formatarum verbum è verbo ex hac collectione in suam transtulit, non modò earum describendarum ex Concilio Nicæno methodum, ut videre potes in Decreti sexta parte tribus ultimis capitibus.

